

andò in renga per expedir il caso di Piero da Longena condutier nostro, fo preso in Pavia, et è in questa terra; et voleva meter di liberarlo, perchè alcuna cosa non trovava contra di lui.

Et sier Lunardo Emo savio del Conseio andò in renga dicendo mal del ditto Longena, et che non si dia andar a questo modo; et perchè l'avogador havia ditto è raxon induxiar, volendo il Collegio haver rispetto, nulla fu posto.

Fu posto, per li Consieri, Cai di XL et Savi, dar a li proveditori sopra le Camere ducati 100 per la fatica in scuoder li danari et far le partide di le daie francade, sicome è stà dà a li oficiali a le Raxon vechie. Et balotà do volte non fu presa. Ave:

Fu ballotà il seurtinio tolto di proveditor zeneral in Dalmatia, qual è questo:

Proveditor zeneral in Dalmatia.

Sier Marco Moro el XL criminal, qu.	
sier Bortolomeo.	43.133
Sier Francesco Lippomano fo a le	
Raxon nuove, qu. sier Zuane. . .	86. 94
Sier Andrea Contarini fo soracomito,	
qu. sier Teodoxio	67.107
Sier Nicolò Bolani fo auditor nuovo,	
qu. sier Zuane	96. 83
Sier Anzolo Malipiero el XL criminal,	
qu. sier Piero, qu. sier Stefano procurator.	84. 90
Sier Zacaria Orio el XL criminal,	
qu. sier Zuane	81. 96
Sier Lodovico Michiel fo proveditor	
a Civald di Friul, qu. sier Piero	101.106
Sier Zacaria Barbaro fo pagador	
in campo, qu. sier Daniel, qu. sier Zacharia cavalier procuratore.	100. 75
Sier Antonio Marzelo el XL criminal,	
qu. sier Anzolo.	92. 81
315* Sier Hironimo di Prioli el XL zivil,	
qu. sier Giacomo	93. 80
Sier Vincenzo Zigogna è Cataver, qu.	
sier Marco.	103. 75
Sier Zuan Bolani fo proveditor sopra	
le fabriche di Padoa, qu. sier Zuan	100. 78
† Sier Zuan Diedo el XL criminal, qu.	
sier Giacomo	112. 65

non Sier Hetor Loredan è a la Camera di imprestidi, qu. sier Nicolò, qu. sier Alvise procurator.

Da poi venuto in Pregadi sier Francesco Venier savio a Terra ferma, qual era stato a far un per di noze del fio di sier Nicolò Bernardo in la fia qu. sier Francesco Valier, et inteso la parte presa di oratori notada di sopra, lui et li soi compagni fè notar una parte de corezer la parte predita in alcune parole.

Fu posto aduncha, per li Savi a Terra ferma, suspender la parte mò presa, *videlicet* remover di la ditta queste parole: che non si possi meter parte in contrario, et non sia preso se non con li cinque sestì di le balote del Mazor Conseio congregato da 1000 in suso, *ut in parte*.

Et li Savi del Conseio messeno a l'incontro star sul preso, sicome dirò di sotto.

Et li Savi del Conseio messeno star su la parte hora presa.

Et andò in renga sier Francesco Venier savio a Terra ferma, et parlò per la soa opinion. Et li rispose sier Marco Minio savio del Conseio, et fè lezer do parte prese in questa materia, una del che non vol si dagi a li oratori alcuna cosa. *Tamen* è stà interote etc. Da poi parlò sier Marco Antonio Venier (*Corner*) savio a Terra ferma, qual fo iritado dal Minio, dicendo li altri savi a Terra ferma è stati in la parte et hora si mutano etc.; el qual parlò per l'opinion che hora meteava. Li rispose sier Lunardo Emo savio del Conseio, dicendo è tempo di sparagnar et far quello fa tutti li Signori de Italia et fuera de Italia, dove nui mandemo oratori, perchè volendo donarli alcuna cosa si darà per il Conseio di X con la Zonta. Andò la parte: non sincere 2, di no una, di Savi a Terra ferma 77, di Savi del Conseio 96. Et questa fu presa.

Noto. Hozì zonse in questa terra el signor Renzo da Zere et il signor Zuan Corado Orsini et altri, vien de Puia, havendo consegnà Barleta a li agenti cesarei; è venuto in Istria con la gallia del capitano del Golfo sier Almorò Morexini, et de Histria in qua Fo alozato a San Zorzi in la chà di San Marco. È con persone numero